

Alketab ka angguy nak - kanak ka angguy



Ana' Babine' se Odhi' Dhuwe' Kale



Etos bi': Edward Hughes

E ilustrasi agi bi': Janie Forest
Alastair Paterson

E potdhut bi': Ruth Klassen

E terjemah agi bi': Anik Kongariawati

E gabay bi': Bible for Children
www.M1914.org

©2025 Bible for Children, Inc.

Ba'na bisa pa - banyak otaba anyitah careta', se abit tah juelah.

Yairus jareya kapalana kenengnganna kabakteyan Yahudi se nyemba ka Allah ban ngajaragi' parentahna Allah ka reng-oreng laen. E settong are badha

kadaddiyan ce' sossana gabay Yairus. Ana'na se kaneserre, se omorra dhubelles taon, sake'.

Ban tadhe' settong orang se bisa nolongnga. Sake'na ce' sarrana.



Yairus tao mon ana'na para' mateya.


Pera' setlong oreng se bisa nolonganna ana' babine' Yairus. Yairus ondur nyare Yesus ban egiba ka bungkona. Manabi Yairus tao je' ca-kancana e gareja ta' satuju ban Yairus. Tape Yairus ta' paduli.



Aba'na kodhu olle partolongan sabelun ana' babine'na mate.

3

Yairus atemmo Yesus e kalenglengnga moso reng-oreng.



Aba'na asojud e sokona Yesus. "Ana' abdi se babine' sake', para' mateya," oreng jareya nyo'onna kalaban gu-onggu.

4

"Ta' langkung ngereng eatorana lenggi ka compo' kalaban gagappagi saos sopaja ana' abdina salamet, ban sae sareng ta' mate."




5

Yesus pas meynos bi' Yairus. Tape ta' bisa ajalan sabab ce' bannya'na oreng. Badha oreng bine' se sake' sambang la dhubelles taon abidda. Aba'na la ondur ka sakabbina dokter (ban pessena tadhe' kabbih) tape ta'endhe' baras. Oh, ce' terrona aba'na atemmo Yesus!




6

Ponapa se bisa elakoanna bi' babine' jareya?" Sokor bisa nyedding juba Na, sengko' tanto baras," ca'na pekerra. Aba'na nyander ka Yesus, salanjangnga, babine' jareya nyedding tanangnga, pas nyedding ka juba Yesus.



7

Mukjijat! MUKJIJAT! Babine' jareya la baras. Laju! Sakabbina! Dhibi'na tao la sehat ban koat ban baras. Pas badha se ngoca'. "Sapa se nyedding Tang juba?" Yesus atanya. Banya' oreng se nyedding Salerana. Tape babine' se baras jareya tao ja' Yesus terro dhibi'na adhabu ka Yesus. Bekto jareya keya dhibi'na nyareta'agi sakabbina ka Yesus.



8

Saellana jareya, pas badha reng-oreng dhari bengkona Yairus. Nangale robana ce' sossana sabelun acaca. "Pottrana panjennengan ampon

sedal!" reng-oreng jareya acaca ka Yairus. Mate! La talebat. Manabi babine' jareya ta' nyela parjalananna jareya.... manabi, ja'Mate! Ana' babine' Yairus se kaneserre la ondur.



9

Bekto Yesus ngedhing parkara jareya, Yesus adhabu, Ta' osa tako', paparcaja bai, ban dhibi'na baras!" Ce' sossana gabay Yairus se gu-onggu partaje ka Yesus. Ana' babine'na la mate.



10

E bengko, reng-oreng nanges ban ce' rammena kaangguy na'kana' keni' jareya. "Kana' rowa ta' mate, tape tedhung," Yesus adhabu ka reng-oreng jareya. Sakabbina pas agelle' ka Yesus. Reng-oreng tao na'kana' jareya la mate.



11

Bi' Yesus reng-oreng epakon kalowar kabbi, pas ngastane tanangnga kana' jareya ban adhuna, "Kana' keni', mara jaga!" Yairus, bini'na ban se katello moredda badha e kamarra ana' jareya. Sakabbina ngedhingagi dhabuna Yesus. Ponapa na'kana' se la mate jareya ngedhing keya?




12

Na'kana' se la mate jareya ngedhing parentahna Yesus! Errohna abali, ban kana' jareya dulu jaga.



13

Reng towana kana' jareya padha kasambu' kabbi. Yesus adhabu ka reng-oreng jareya, pangakan kana' reya. Ce' gumbirana reng-oreng jareya pas asokkor ka Yesus. Kalaban cintana ban kakobasa'an Yesus abali kana' jareya dhari kamateyan.



14

Ana' Babine' se Odhi' dhuwe' Kale


Alketab jareya nyareta agi firmanna
Guste Allah

se e bedhe' e

Markus 5, Lukas 8

"Masuk ka firmanna Guste Allah e beri tera."
Bangsalam 119:130

15



49

60

16

Careta Alketab notorrage Guste Allah paneka se becce se
nyepta' agi manossa sopaja ba'na kenal ka salerana.

Guste Allah tao manossa ngaloko'agi se jube', se e sebut dusa.
aokoman dusa jareya e patte'e, tape kataresna'anna Guste Allah ka
manossa setalebat raja ban apereng Pottrana se coma settong,
Yesus, se mate ekaju salib ban aokom kaangguy dusana ba'na. Laju.
Yesus a bungo ban abali ka sowarga! Bile ba'na partaje ka Yesus
ban apenta saleranan ngamponi dusana ba'na salerana angalako agi.
Salerana rabu ban odhi ban ba'na sateya,
ba'na odhi sareng salerana salanjangnga.

Bile ba'na partaje, ngadoa ka Guste Allah cara jareya: duh Guste
Allah, abdi partaje ka Guste Allah, se daddi manossa laju seda
sabab dusana abdi, ban Salerana odhi pole. Mara datheng ka odhi
na abdi ban angapora dusana abdi, sopaje abdi odhi anyar, ban e are
gu'laggu abdi olleh odhi ban Salerana. Abanto abdi noro'lampadda
padana Salerana ban odhi na abdi daddi pottrana Gustte Allah.

Ngabaca Alketab ban ngadoa ka Guste Allah ban are. Yahya 3:16

17